

04.8.1990

Landsfundur Kvennalistans vill hækka vexti á lánum Byggingarsjóðs ríkisins:

# Kvennalistinn vill komast í ríkisstjórn

Landsfundur Kvennalistans samþykkti um helgina ályktun bar sem því er lýst yfir að Kvennalistinn sækist eftir þátttöku í ríkisstjórn. Jafnframt er lögð áhersla á að Kvennalistinn muni ekki láta af grundvallarstefnumiðum sínum þó að í boði séu ráðherrastólar. Ingibjörg Hafstað segir að hér sé ekki um stefnubreytingu að ræða. Kvennalistinn vilji með þessari ályktun ítreka að hann sé tilbúinn til að axla ábyrgð.

„Pað hefur undanfarið verið rekinn gifurlega sterkur áróður fyrir því að Kvennalistinn vilji ekki axla ábyrgð. Með ályktuninni viljum við ítreka að ástæðan fyrir því að við fórum ekki í ríkisstjórnarsamstarf var ekki kjarkleysi heldur að við fengum engum af okkar málum framgengt,“ sagði Ingibjörg. Hún tók jafnframt fram að eining væri um það innan hreyfingarnar að Kvennalistinn hefði tekið rétta ákvörðun þegar hann á sínum tíma hafnaði boði um aðild að ríkisstjórn Steingrims Hermannssonar. „Konur eru sammála um að ef að svona staða kæmi upp aftur gætum við ekki farið í ríkisstjórn,“ sagði Ingibjörg.

Kvennalistinn ákvað á fundi sínum að afnema svokallaða útskiptareglu, en hún hefur gert það af verkum að

þingkonurnar Kristín Halldórsdóttir og Guðrún Agnarsdóttir hafa horfið af þingi áður en kjörtímabili þeirra var lokið. Margir telja að þessi regla eigi sinn þátt í að Kvennalistinn fær nú sifellt minna fylgi í skoðanakönnum. Reyndar kom minnkandi fylgi flokksins til umræðu á fundinum og töluðu sumar konur um að komandi kosningar myndu ráða úrslitum um framtíð Kvennalistans.

Framtíð Byggingarsjóðs ríkisins var nokkuð rædd á fundinum, en Kristín Einarsdóttir þingkona Kvennalistans hefur lagt fram fyrirspurn á þingi þar sem fjármálaráðherra er spurður um heildarfjárhæð vaxtabóta árið 1990 og hvernig hún hafi skipst milli folks með misháar tekjur. Kristín segir það vera algert ábyrgðarleysi af stjórnvöldum að taka ekki á vanda sjóðsins,

en verði ekkert að gert verður hann gjaldþrota innan fárra ára. Kristín vill að vextir af lánum sem sjóðurinn veitti eftir 1. júlí 1984 verði hækkaðir í 5%. Hún segir að verði þessi leið farin megi koma í veg fyrir gjaldþrotn Byggingarsjóðs ríkisins. Hún segist gera ráð fyrir að ríkissjóður verði eftir sem áður að leggja nokkurt fél til sjóðsins.

Í ályktun landsfundarins eru aðrir flokkar gagnrýndir fyrir að veita konum ekki brautargengi á framboðslistum sínum, en konur hafa komið illa út úr þeim prófskjörum sem þegar hafa farið fram.

Fundurinn taldi aðild Íslands að EB ekki henta við númerandi aðstæður auk þess sem aðild að EB geti hugsanlega veikt stöðu kvenna. Þá lýsti fundurinn yfir stuðningi við byggðastefnu sem vill efla byggðakjarna. Fundurinn samþykkti enn fremur ályktun þar sem hvatt er til þess að lágmarkslauð verði lögþundin eða tryggt verði með öðrum hætti að lágmarkslauð fyrir dagvinnu nægi til framsfærslu.

Um 90 konur alls staðar af landinum

Kvennalistakonur telja nú tímabært að lýsa sig reiðubúnar til þátttöku í landsstjórninni.

sóttu landsfundinn. Undirbuningur undir kosningar er kominn vel á veg í flestum kjördæmum landsins, en Kvennalistinn stefnir að því að bjóða fram í öllum kjördæmum eins og hann gerði við síðustu alþingiskosningar. Ekki er endanlega ákveðið

-EÓ

